

١٤٢

توكيب

نبول و ميليت مجلتي حكومت


مخاف و كالتى شيريات

عدد : ٢٧

روحيات مدخل




دارالعلمات و دارالمعلمين ليلره آرمانه



مصطفى رحمي



تأليف و ترجمه هيئتجه قبول ايداشدر .



استانبول — مطبعة عامره

١٣٣٩

٤٠٥
٢٨٦

روحیات

انسانک برمانی و رانی واردر: عضله، کیمک، الح کبی .
برده ذکا، حسیات، اراده کبی معنوی وارانگی واردر . انسانک
بو معنوی وارانگدن بحث ایدن علمه (پسیقولوژی - روحیات) دیرلر .
روحیات، انسانی، اوچ فصل آلتنده مطالعه ایلر: ذکا، حسیات،
اراده .

ذکا

روحیانجیلر، ذکایی شویله تعریف ایدرلر: ذکا ملکه تفکر در .
یعنی دوشونه بیلمک ملکه سیدر . بر طاقم (فکرلر: Idées) . مالک
اولقسزین بز دوشونه مه یز . (فکرلر) ی ایسه (اطلاع) لر تولید
ایلر . بناء علیه (فکرک) اساسنی تشکیل ایدن (اطلاع) اولیور .
عالم خارجی حقتنده اطلاعاتمز، اعضای حواس سایه سنده حصول
یوایور . بو حالده حواسمز نه قدر مکمل ایسه (اطلاع) لر یمز و ذکا مزده
او قدر مکمل اوله جق ، دیمکدر .

اعضای حواس ، عالم خارجی دن آلدق لری احتیاسانی اعصاب
واسطه سیله دماغ مزه نقل ایدر . بناء علیه اول امرده - تفصیلاتی
فیزیولوژی درس لر بکزه براقمله برابر - دماغ و حواس اوزرینه بر
کوز آته لم .

دماغ

دماغ، حس و تعقل و اراده نك مركزى در .
دماغ، ايكي نصف كره دن عبارتدر . صاغ طرفده كي نصف كره
دماغ، بدنك صول طرفه ، وصول طرفده كي نصف كره دماغ ايسه ،
بدنك صاغ طرفه حاكمدر . نصف كره دماغ لر اوزرنده بر طاقم
مركزلر وارذر .

بو مراكز دن برى ، هر هانكي بر سبيله عارضيه اوغرايه جق
اولسه او مركزك ايفا ايتديكي وظيفه سوزر . مثلا صاغ نصف كره
دماغده كي حركت مركزى بر عارضيه اوغرايه جق اولورسه انسانك
صول طرفى، هيچ حركت ايده منزه ايشته، (فلج = نزول) بودر .
كذلك لسان مركزى عارضيه اوغراسه تلفظ ايده منزه . بوبكاده (فلج
لسان) دينير .

سطح دماغ كيرينتيل و چيچينتيل در . بونلره (تلافيف و تماريج
دماغيه) دينير . دماغك قشرى ، بوز ، سنجابى ، ايچ طرفى بياض
رنگده در .^۱

دماغده كي بو بياض ماده ، مركز دن محيطه طوغرى كيدن =
(عن المركزيه) و محيط بدن مركزه طوغرى كان = (الى المركزيه)
الياف عصبيه نك هيئت مجموعه سيدر . اعصاب الى المركزيه ، احساس ؛
واعصاب عن المركزيه ايسه حركت اعصابيدر .

اعضای حواس

حواس: لامسه، ذائقه، شامه، سامعه، باصره اولمق اوزره بشدر .

بزرگ‌اشیای خارجی‌دهن بونلر واسطه‌سیله خبردار اولورزه. اشیای خارجی‌ده اعضای حواس اوزرینه اجرای تأثیر ایدر. و بو تأثیرات، اعصاب واسطه‌سیله دماغه انتقال ایدرک برطاقم احساسات مخصوصه تولید ایدر. ۱. لامسه: لمس، جلدده موجود برطاقم حیات عصبیه واسطه‌سیله حصوله کلیر.

۲. ذائقه: دیلک سطحده کائن حیات ذوقی تولید ایدر.

۳. شامه: بورون. اعصاب شمییه نیک منتهالی بورون ده لیکی ایچنده کی غشاده در. توقولر بو اعصاب شمییه اوزرینه تأثیر ایدرک احساسات شمییه حصوله کلیر.

۴. سامه: عضو سمعی اولان قولاق اوچ قسمدن مرکبدر: اذن خارجی، اذن متوسط، اذن داخلی.

عصب سمعیک شعبات و منتهائی، اذن داخلیده کی مایع ایچنده منتشردر. قولاغک حساس اولان قسمی ایشته، بوراسی در. اذن خارجی ایله، اذن متوسط، تموجات صوتیه بی بورایه نقل ایتمکله خادمدر.

۵. باصره: کوز اوچ طبقه دن متشکلدر. ۱) طیشاریده طبقه صلبه، ۲) اورته ده طبقه مشیمیه، ۳) ایچیری ده طبقه شبکیه.

اشیای خارجی‌دهن انتشار ایدن شعاعات ضیائی کوزه کیروب طبقه شبکیه یه تأثیر ایدنجه بو تأثیر عصب بصری واسطه‌سیله دماغه انتقال ایدرک «رؤیت» بادی اولور.

ابسامک کولککسی، طبقه شبکیه اوزرنده دکل، ده اولنیده انعکاس ایدرسه او کوز قصر البصر اولمش دیمکدر. طبقه شبکیه نیک ده آرقه سنده انعکاس ایدرسه طول البصر اولمش دیمکدر. ایکدی ده بررخسته لندره بونک ایچون انسان کوز لرینی صیق صیق، عاینه ایتدیرملی در.

ادراك و شعور

حواس واطه-يله اشياى خارجيه حفته ايدينديكمز معلوماته ادراك خارجي دينير. بالذات روحه واحوال روحه دائر اولان وقوفلريمزه ادراك باطني دينباير. ديمك كه: بزده ايكي درر اطلاع وار. بري اشياى خارجيه به مخصوص اولان اطلاع، ديكرى، احوال حسيه وباطنيه مزه عائد اطلاع در؛ فكلرلر بمز، حسلرلر بمز، آرزولرلر بمز، الخ، هب ادراك باطني به عائد در.

چو قلمرده ادراك باطني بك ابتدائى بر حالده در. اولرك ذهنلرى آنجق محيطلرنده بولان اشيا ايله مشغولدر. مدركه ويا شعورلرى، سناً ايلريله دكجه، تكمل ايدر.

درجات شعور. — شعور بعضاً بك جالى در. مثلاً تحريك ذهنى بي موجب اولان بر حالده اولدينى كجى: (قهوه، چاى ايچمك كجى). بعضاً شعور، ضعيف وسونوك در. (مثلاً الذين برشى دوشونوركن بشقه برشى آكلايه ميز). بعضاً در شعور بوسبتون سونمش كجى در. باييلمه لرده اولدينى كجى.

تماماً سونمش ظن اولنان بو باييلمه لرده عجباً شعور ولو بك آز مقدارده اولسون موجود دكلى؟... بومشله بي ابتدا (لپنيچ) تدقيق ايدر، ديدى كه:

— بزده برده حالات غير مدركه ويا غير مشعوره واردر. فى الحقيقه بزم شعور منرك بويله قارا كلق قسملرى هنوز بك چوقدر. آلمان فلاسفه سى بوكا (روحك حوالى مظلومه سى) نامنى ويريرلر. (حالات غير مدركه) منشه سنى احتساسندن باشلايه جق اولورسه ق،

مثلاً لامه ده: (هسته زيبومترو) دینلن بر آتده قبل ايله طوقونولونجه او وقت حس ایدیلپور . دیتک که صاج تلی ايله اولان طوقونمه بزم ایچون غیر مدرک قالیپور . باصره ، سامعه ، شامه ، الخ ده بویه در .

بک درین مطالعه ایدن بر انسانک شعور - مدرکه سی مطالعه ايله مشغول اولدیندن خارجه کی کورولتولری ایشیتمز . . مشهوردرکه وطنی اولان ، (سیراکوزه) شهری دشمن طرفدن فتح ایدلکی وقت (آرشیمه د) مسائل هندیه خلی ايله مشغول ایدی . دشمن عسکرلری اون هندسه مشه لربی چایشیرکن بولدلمر . (وجدوا - عراق حالاری ده بویه در) .

لپنیج دیوردی که : طالع لک کورولتولری ایشیدیلپور . فنط ایکی دامه صوبک حاصل ایتدیکی صدایی ایشیتمه بز . حاجبوکه او قوجه طالع لک کوچک دامه لردن مرکدر . دامه لک حاصل ایتدیکی صدا بزه غیر مدرک قالیپور . بویه اولامش اوله ایدی ، دالغه لک کورولتولری ده موجود اوله مازدی چونکه صفره نه قدر صفر علاوه ایدیلسه ینه هیچدر . (کوچک شیلر وارکه بویوک شیلر حاصل اولپور) . (غیر مدرک) لکدن (ادراک) : داخلنه کیردیکی ابلك نقطه یه (أشیک = Seuil) . یتمکده دره . حسیات ایچون ده مدرک لک ، غیر مدرک لک واردر . بو غیر مدرک قالان حسلر ، فکرلر علی الا کثر رؤیاده میدانه چیقار . برحسی آنجق قویلمشش اولدینی زمان ، درک ایدم بیلپرز .

مدرکلک و غیر مدرکلک احوال ذهنیه ده واردر . بالخاصه (ترابط افکار) ده بویوک ظامردر . ترابط افکارده ذهن ، برشیدن دیکر برشینه کچرکن آز مدرک . ویا غیر مدرک بر جوق واسطه لردن اتلاپور .

كشفياتك مهم بر قسمی بویه حصوله كمشدر . شوبله كه : مثلاً بز
حالم بر مسئله حقننده اوزون دوشونور ، بوله ماز . اومسئله اوزرینه
چالیشمنی آرتق براقیر . فقط حقیقته خبری اولمنسزین اونك ذهنی
اومسئله بی چالیشمنه دوام ایتمکده در . بر دنبیره اومسئله ذهنه دوغیوریر ،
جلبقی یراآئنده کیزلی بر صویک یول بوله رق میدانه چقیویورمسی کبی .
بو حالی کوچك مقیاسده بزکندیمزدهده کوره بیلیرز . مثلاً برینك
اسمنی بولوق ایسته یورز . بر درلو عقلمزه کلز . آرتق عقلمزه کلبه جك
دیبهرك براقیرز . فقط بر مدت صبوکزه اوآرادیفمنز اسم خاطریمزه
کلویوریر . شاعرلرك الهام آلمسیده بر نوع بویه غیر مدرك چالیشمن
دیلمك در .

غیر مشعور چالیشمنق ، اویقودهده وقوعه کلیر . مثلاً بعض طلبه
اویانیق ایکن حل ایدهمه دیکی جبر مسئله سنی اویقوسنده حل ایدر .
خلاصه کشفيات فیهده ، الهامات شاعرانهده حالت غیر مدرك
یک مهم روللری واردر .

شعورمنز هیچ بوش طور میور : فکترلر ، حسلر ، آرزولر ، الخ
شعورمنز اوکندن دائماً رسم کچید یا مقده درلر . شو قدرکه بوفکترلرک ،
بو آرزولرک وحسئرک بر قسمی بزم ایچون مدرك ومشعور ، بر قسمی
غیره مدرك وغیر مشعوردر . بونك ایچون درکه آمریقالی (ویلیام جمسی)
شعوری ، آقنده اولان بر چایه تشبیه ایلمسیدی . بزیا لکنز چایك اوستنده
اولان شیلری کوره بیلورز . چایك آئنده کیلری کوره میورز .

حالات غیر مدرك آره منده بوکون فنك حل ایدهمه دیکی برچوق
شیلره تصادف ایدیلمکده درکه بو قسم هنوز تدقیق ایلمك اوزره در .
غیره مدرك ایله مدرك آه منده لایه درجات واردر . بسیقولوژی
علماسی بو درجات شعوری باشلیجه درده آرییورلر :

- ۱ — حیواناتك شعورى .
 - ۲ — ر ، ايكي آيلىق چوجفك شعورى (كه حيوانلرك كندن بر درجه يوكسك در) .
 - ۳ — (نورمال) انسانلرك شعورى .
 - ۴ — نورمال اوستى اولان انسانلرك شعورى .
- در دنجى درجه يه ۲۰ - ۳۶ ياش آره سنده صعود ايديله بيلير . شعورك بو درجه سته صعود ايتمش اولان ، على الماده انسانلرك كوره ميه جكي شيلرى كورورلر . اولنرك اسكى تميرله (بصيرت كوزلرى) آچيلمشدر . انسان اخلاقي صورتده حركت ايدمه بويوكسك درجه يه صعود ايدمه بيله جك در . بوكا (تكامل شعور) نظريه سى دنيلمكده در .
- بو درجات شعور آره سى ، بر جدار ايله آريش دكلدر . كشافچه مختلف مايعات و غازاتك بر برينه حلولى كبي ، بو درجات شعورده بر برينه حلول ايدمه بيلير . سعى و اقدام ايله بو درجات شعورك دائما يوقا زيسنه طوغرى چقبيله بيلير . او صورته كه انسان ، اعماق زوخنده كى معالياتى و يوكسك شعورلرى كندى جهديله آرايوب بوله بياير . وشعورك يوكسك درجه سته چيجه . قجه ده اوستون (أنا) لريمزه مالك اوله بيلير .
- انسانك باشليجه ايكي درلو اساسى وارددر : مشعور أنا ، غير مشعور أنا . (مشعور أنا) ، معلوم اولان (أنا) در . (غير مشعور أنا) ؛ سائر فى النوم و (اينوتيزم) حائنده اولان انا كبي .
- مشعور وغير مشعور امارك ، بر بردن خبرى بو قدر . سائر فى النوم او حائده ايكن قونوشور . ومثلا بر جوق ايشلر ياپار . او طالى كچنجه نه او قونوشديغندن ، نه ده نه لر ياپديغندن خبردار دكلدر .

بر انسان ، ایکنجی آناسی حاکم ایکن بازسدن قاتقهرق بروکسه . کیتمش . اون درت کون سوکرا بر بانچه ده اوطورورکن بردن بره . ایکنجی آناسی نابدید اولهرق برنجی آناسی عودت ایتمش . نروده بولوندیغنی بیلیمه رک اطرافنده کیله سوروش ، « بروکسل ، دیتشله . بروکسه نیچین و نه زمان کلدیکنی قطعیا بیلیمور . بیده پارسه عودت ایله .

غیرم شعور حاله (حالت رؤیا) دینلمکده دره . اوچ ، درت یاشنه قدر چوجقلرده هنوز (مشعورانان) اویاتمامش دره وحشیلرده بو حالته درلر . بشریت بویه ، (غیر مشعور) اقدن کیتدکجه (مشعوریت) طوغرو یوکلمش . و آن یوکلمکده دره . فرد دخی بویه در : چوجق ایکن غیر مشعور حال ایچده یشار ؛ بو یودکجه (شعور) ی آرتاز . و تکامل ایتدکجه (وسطی شعور) ک فوقه صعود ایده بیایر .

قنون دخی بو صورتله تکامل ایتشدر . بونی اوستریا بسیقو آنالیز علماسندن (سیلبره Silberer) کشف ایتمش اولوب اسمنه (تکامله مفهومات) « Evolution de notion » ، قانونی دینلمکده دره : « شعوری و فنی اولان هر شیئه ، دو مانلی مبهم اولان شیلردن کچرک واصل اولمشدر .

فی الحقیقه بر چوق قوانین فیه ، تبلز ایتزدن و قطعیا شمزدن اوله ، متعدد نقصان و مبهمیت دوزدرلردن کچمشدر .

زیپ ادراک :

اعماق روحزده نیم مشعور و یا غیر مشعور قالان شیلر ؛ افکار ، حسیات و جرکاتیز اوزرینه اجرای تأثیر ایله . فقط بو اجرای تأثیردن

بزم هان هان خبر میز بودر. آنجی انجه تدقیق ایدرسه ک او نیم مشعور
وغیر مشعور شیلرک ایزلرینی کوره بیلیرز .

بو قوریده دیدیکه ز کبی (لابینیج) بو، نیم مشعور وغیر مشعور
حالاتی بر آلتنده کی صولره بکنزه تمشدی . بر آلتنده کی صولری بز
کوره بیلیرز. فقط ایرماقلری تشکیل ایدن صولرک اکثری بر آلتنده کی
صولر دکلی ؟ .

تربیه ده بو نیم مشعور وغیر مشعور حالاتی نظر دفته آلمق لازمدر.
چونکه فکر، حس و اراده نك صورت تشکیلده نیم مشعور وغیر مشعور
اوله رق آلتان تلقین و نصیحت لرك پك مهم تأثیرلری اولوب عادتا
صورت مدرکه ده آلتان نصیحت و تلقین لرك تأثیراتندن ده ا زیاده در.
چو جقلرک یاننده اونلرک احوال فکریه و حسیه لرینه ، ولو غیر
مشعور صورتده ، فنا تأثیرلر حصوله کتیره حک افعالدن اجتناب ایتملی .
ئوده ابویتنک حرکاتی، مکتبده خواجه نك حالی، مکتبک و درسخانه نك
انتظامی و محیطده و وطنداشلرک احوالی چو جقلره حسن مثال اولملی در.
بو صورتده چو جقلرک اعماق روحنده نیم مشعور بر صورتده ایملک
و انتظام حسلری حک اولونور . و حیاتلرینک نهایته قدر بوندن
استفاده ایدرلر .

انسان ، افکار و تمایلاتی تدقیق ایله بو نیم مدرك وغیر مدرك
فکرلره تبعاً حرکت ایتمکدن اجتناب ایتملی در . بونک ایچون انسان
کیجه یا تاغه کیرنجه او کون یایدینی ایشلر حقنده نفسنی محاسبه به چکه رک
افعالنی حاده تدقیق و مدرکه دن کچیرملی . و ایرته سی کونکی ایشلرینک
- مدرکه قومانداسی آلتنده - قروکیسنی چیزملی در .

دقت

حواسمذك هر آن حاصل ابتدیی احتساسات وانطباعات او قدر چوقدر كه بونلك هپسه واضح بر صورتده مطلع اوله مايز؛ آنجق مهم و دو مانلی بر صورتده مطلع اوله بیلیرز. فقط بز آرزو ایدنججه بوانطباعاتدن بری اوزرنده ذهنزی توقیف و تثیت ایده بیلیرز. اوزمان مهمیت قالفه رق وضوح حاصل اولور .

ادراك باطنی ایچونده بویله در؛ شعوریمز برنهرکبی اولوب بوندن افکار، حسیات و خیالاتك هپ بردن آقوب کیتمکده اولدیغنی کوردك. فقط آرزو ایدنججه بونلردن بری اوزرنده ذهنزی تثیت و توقیف ایده بیلیرز. کذلک اوزمان مهمیت قالفه رق وضوح حاصل اولور .

دقت : ایشته بویله ذهنزی بر شی اوزرنده تثیت و توقیف ایده بیلیمک ملکه سیدر .


دقتمز بر شی اوزرنده یا غیر ارادی اوله رق و یا ارادی اوله رق توقف و تمرکز ایلر. شو حالده دقت ایکیه آریلیر : غیر ارادی ، ارادی .

غیر ارادی دقت . — حواسمذك اعطا ابتدیی شیلرک پک آزینه اطلاع حاصل ایده بیلیرز . حواسدن لاینقطع دماغه ورود ایدن الی مرکز جریانلر پک چوق ، وساحه شعور ایسه نسبة طاردر . احتساساتمذك چونغی ، شعوره قدر واره میور . صانکه احتساسات بر قوشو مسابقه سی یا پیور ؛ مسابقه ده قازانانلر شعوره قدر واریور . شعورک قابوسدن ایجری به کیره بیلیور . کیره میانلر ، شعورک قابوسی اطرافنده طولاشه رق کجوب کید بیور .

عجبا هانگی احساسات شعوره داخل اوله بیلیر ؟ .
— آنجق او آندَه بزى (علاقه دار = اُنتره سسان) ایدن
احساسات داخل اوله بیلیر. (دقت غیر ارادی) ایشته بویله ذهنمزك
غیر ارادی اوله رق دقت ایدَه بیلدیکی شی در .
ارادی دقت . — ذهنمزی هر هانگی بر مسئله اوزرنده صورت
مخصوصه ده تثبیت و توقیف ایتمک در .
انسانده دقت ، (غیر ارادی دقت) ایله باشلار . چوجقنلرک
دقتلری بویله در . چوجقنلرک آنجق کندیلرینی علاقه دار ایدن شیلره
دقت ایدَه بیلیرلر . اونلرده هنوز ارادی دقت یوقدر .
چوجق ، بویودجکه (ارادی دقت) ملکه سی ده بویور . ابتدا
صباوتده برقاچ دقیقه دوام ایله باشلایان (دقت ارادیه) ، کنجکلکده
یاریم ساعت ویا بر ساعت قدر دوام ایدَه بیلیر . دها صوکر دها
زیاده دوام ایدَه بیلیر. وحتی بعض مستثنی انسانلرده (دقت ارادیه) ،
هیچ اکسیله کمسزین ، بش ، آتی ساعت دوام ایدَه بیلیر .
دقت ارادیه نك قوت و امتدادی : احوال صحیه ، اعصابه ،
بورغوناغه و احوال حسیه به کوره دکشیر: مثلاً صحت و اعصاب مختل
ایسه ویا انسان بورغون ویا بر هیجان ایچنده ایسه دقت ارادیه او قدر
قوی و تمتد اوله ماز .
تنفس ایتدیگمز هوا بوزولمش ایسه کذلک بونك ده دقت
ایدَه مامک اوزرینه تأثیری واردر .
طاغنیق دقت — بک قوی دقت — بعضاً کوزلریمزى بر نقطه به
تثبیت ایدَه نك طالفین بر حالده بولونوروز. بواثناده شعوریمز کچن شیلردن
آنجق بک مبهم صورتده خبرداردر . او قدرکه هان همان خبردار

دکتر در. بو حاله (طاغنیق دقت) دینلیرکه او وقت دقتمز یک طاغنیق در. بعض انسانلرده شعورلرنی، علاقه دار اولدقلری هر هانکی بر مسئله اوزرینه او درجه تثبیت ایدرلرکه بو ائساده بدنلرنده کی آجیلری بیله طویمازلر. بوده (دقت) ک اک قوی قسمنی تشکیل اتمکده در. دقت ک اک آشاغیسی اولان (طاغنیق دقت) ایلا (یک قوی دقت) آراسنده

لا یعد درجات واردر.



دقتی تحریک ایدن

شیلر: قهوه، چای

کبی شیلر دقتی تحریک

ایلر. بعض انسانلر،

قهوه، چای ایچمکمزین


دقتلرنی تمرکز ایتد.

یره مزلر. قهوه، چای، بو صورتله اعصاب وقوه ذهنبه اوزرینه اجرای تاثیر ایلور.

دقتک اقسام مرضیه سی. — نورمال دقتدن یوقاری به طوغری چیقدنجه (فکر ثابت). واصل اولونورکه اویله اولان انسان، یالکنز برشی طرفدن مص اولنشددر. (نورمال دقت) دن آشاغی به طوغری کیتدکجه تا آشاغی نقطه: هیچ بر شینه دقت ایده ماملک در. بونلرک هر ابکیسی ده مرضی در. دیمک ایکی مرضی حال واردر: فکر ثابت و اصغری دقت ...

۱. ذهن یا هیچ برشی اوزرنده تمرکز ایده مز. دقت دالدن داله کور. (مانیاق لرک افکار و حسیاتلری هیچ برشی اوزرنده تمرکز

ایده مز . حرکتهای ده بویله در . جوجقلده کنذک آز ، جوق بویله در لر . آنور ماللرده بویله در .



(۲) یاخود ذهن یاالکز برشی اوزرنده ساپلانیر ، قابیر . بشقه هیچ برشی دوشونه مز . بوکا (فکر ثابت) خستهانی دینلمکده در .

(وسطی دقت) دن مرضی اولان فکر نابته طوغری جیقارکن

حدود بکده قطعی دکلدر . همان هرکس بر (فکر) آرقه سندن قوشمقده در : تحصیل علوم ، اکتساب ثروت ، الخ .

(آلفره دویانی) معظم بر حیات نه در ؟ دییه کنندی کندینه صورددقن صوکر اشو جواپی ویریور : کنجکلده دوشونولمش واختیارلقده ساحه حقیقته جیقمش بر فکر در .

بویله اولان (فکر ثابت) نسبة معتدل در . مرضی اولانی ایسه یاالکز بر جهندن بشقه بر شی دوشونه مامکدر . دقتی تماماً بر شی طرفندن مص اولتمقده در .

دقتی بر شی طرفندن مص اولتان انسانلر ، تماماً (طالعین) در . بوپوک متفکرلر آردسنده بویله طالعینقلری ایله مشهور جوق آدملر فزادر .

بعض انسانلر ، دقتلینی بر شی اوزرینه ارادی اوله رق اودرجه تثبیت ایدرلر که عمایات باپیاسه بیله آجیسنی طویمازلر . بوده فکر ثابت میانسه ادخال اولونور .

حافظه

بوکون برشی کوردم و یا ایشیتدم؛ کرک بویه حواسی و کرک ادراک باطنی ایله حاصل اولان (اطلاع) و (فکر) لری، بزیرمدت^۱ ضوکر (تخطر) ایده بیایرز. ایشه بو تخطر ملکسنه (حافظه) دینله مکنه دره. آلدیقمز احساسات، دماغزده بر ایز برانیور. (تخطر) دیمک بو ایزک جانلانیسی دیمک دره. طبق بر ضرا و فون پلاقی چینز کیلری اوستدن ایکنه سنک کچمی کی .

چو جقلرک دماغلری خامیری بوموشاق اولمقله چو جقلرک حافظه لری، بویوک انسانلرک حافظه لرندن دها مکملدر. بویوک انسانلرک دماغی، سرتاشمش واسکی بر جوق احده اساتله نلو اولمقله احساسات، بونی قولای چیزه مز. چو جقلرک حافظه سی ایسه، اوزرینه هرشی قولایجه چیزاییورن و اوستده هنوز فضله چینز کیلر بولونما این بالهومی کی دره. بوندن بشقه چو جقلرک حافظه لری (صدق = Précision) نقطه نظرندن ده پک شایان دقت بر درجه ده دره. مثلاً دیکله دکلری بر مصالی، هیچ خطاسز تکرار ایدرلر .

تربیه حافظه — چو جقلرک حافظه لرینی یالکنز معلومات ایله (طولدرمق) کافی دکلدر. مجادله حیاتده یکی شیلر اوکرده بیه جک طرزده حافظه لرینی ده تربیه ایتمک لازم دره .

بعضیلری حافظه نک تربیه ایدلسی غیر قابل اولدیغنی سویله یور . فقط (ریبو) و (لهی) کی بیقولوغلر، معقول و منطیقانه لره تربیه حافظه نک ممکن اولدیغنی بیان ایتمکده درلر .
بعضیلری تولده انسانلرک حافظه سنک هپسنک بر اولدیغنی

و بیابده کی عدم مساوات، حافظه نك تربیه ایدیلوب ایدلامسندن ایلری کلدیکفی ادعایتمشلسده بو طوغری دکلدرد. عین شرایط آتنده اولان چوجقلر و انسانلر اوزرنده ایدیلن حافظه تجربهلری نتیجه سنده آکلاشیامشدرکه بعض چوجقلرک و انسانلرک حافظهلری، فطرتاً پک قوی در. (موزار)، (میزه درر Miserère) بر پارچه نی ابکی دفعه ایشیتدکن صوکر ا نوطه منی یازدی. (کوستاو دورر) و (هوراث ورنه)، بر کره کوردکن صوکر ا بر انسانک پورتد سفی رسم ایده بیلیورلر. انواع حافظه. — بعضیلری قولایاق (سهوات حفظ) ایله، بعضیلری کوچلک (عسرت حفظ) ایله ازبرلره. بعضیلری حافظه لرنده اولان شیئی قولای (سرعت تخطر)، بعضیلری کوچلک (عسرت تخطر) ایله تخطر ایله. بعضیلری حفظ ایته کلری شیلری اوزون مدت حافظه لرنده طوته بیلیرلر (متانت حافظه). بعضیلری ایسه چابوجاق اونودرلر (ضعف حافظه).

بونلر ایچون آری آری تجربهلر یاییله بیلیر: مثلاً، مختلف چوجقلر، بر ششمی قاجر کره اوقوبه رق ازبرلیه بیلیورلر؟ و هر بری، ازبرله نیلن شعری، قاج کون صوکر ا تکرار ایده بیلیور؟ حافظه اوزرنه یاییلان نجازب نتیجه سنده آکلاشیامشدرکه:

- ۱: یکی اولان هر شیئی حافظه قولایلقه حفظ ایلیور.
- ۲: یکی انطباعلر، اولجه بزده موجود اولان انطباعلر منضم اوله جق طرزده بر برنی اکمال ایدر صورتده اولورسه حافظه قولای ضبط ایدر.
- ۳: شدید صورتده حسابی — حظ، الم، خوف، الم، — تحریک ایلسه اونیده قولایجه حفظ ایده روز. و کوچلکه اونودوروز.
- ۴: بر شیئه ناقدر انی دقت ایدرسه ک، اوشی حافظه مزده اوقدر اوزون مدت قالبر.

۵ : برشینی نه قدر چوق تکرار ایدر سهك ء اوشی ء حافظه مزده او قدر اوزون مدت قابل. فقط بو تکرار لر آره-بی فاصله لی اولمی در. مثلا : بر شعری ء یکر می دفعه او قویه رق بله به جك ایکن بونک اون دفعه-نی آفشام ء اون دفعه-نی صباح او قومق دها موافق در. چونکه آرده کی مدت ظرفده ء ذهن احتمال که غیر مدرک اوله رق ده چالشیور. انسانلرده حافظه جنبه کوره دکیشور: بمضیلرینک رقم حافظه-بی ء بمضیلرینک اسم حافظه-بی ء بمضیلرینک (شکل) ء بمضیلرینک ایسه (رنگ) ء بمضیلرینک (صوت) حافظه لری قوی در . مثلا رساملرک (شکل و رنگ) حافظه لری ء و-بیقیشنا-سملرک (صوت) حافظه لری پک قوی در . بو ایکی نوعه (حافظه بصریه) و (حافظه سمعیه) دینامکده در .

حافظه نك قوتی ء صباح ویا آفشام احوال صحیه و عصیه به ء تنفس ایدیلن هوانك بوزوق اولوب اولماسنه کوره ده دکیشور .
بمضیلری هر هانکی برشینی حافظه لرنده طوته بیلیمک ایچون حیله به مراجعت ایدر لر . بوکا (مه موه کنی) دنیلیمکده در . بزده تاریخ اصولی بویه در . ابجد حسابی :

ا	ب	ج	د	ه	و	ز	ح	ط	ی	ك
۱	۲	۳	۴	۵	۶	۷	۸	۹	۱۰	۲۰
ل	م	ن	س	ع	ف	ص	ق	ر	ش	ت
۳۰	۴۰	۵۰	۶۰	۷۰	۸۰	۹۰	۱۰۰	۲۰۰	۳۰۰	۴۰۰
ث	خ	ذ	ض	ظ	غ					
۵۰۰	۶۰۰	۷۰۰	۸۰۰	۹۰۰	۱۰۰۰					

استانبولك فتحى تاريخى ايجون (بلدة طيبة) دینلمشدر :

ب	۲	زده (تاريخ) طقوزنجى عصر هجرى
ل	۳۰	اوانلده باشلامشدر. ايتدالرى تاريخلر بويبه
د	۴	نثر ايله ايدى . ايلك دفعه منظوم اوله رق
ت	۴۰۰	(تاريخ) طوتان فاتح زمانى علماسندن
ط	۹	(خضر بك) در . اوندن صوكره تاريخلر
ى	۱۰	نظماً طوتولمشدر .
ب	۲	
ذ	۴۰۰	

۸۵۷

بويبه نظماً تاريخ يازمقده انك زياده موفق اولان ، ۱۱۹۳ سنه هجرية-نده استانبوله كلن اظنه لى سرورى اولمشدر .
بعض چشمه باشلنده بك كوزل تاريخلر واردر :

۱۱۴۵ كل سيل والده ساطندن آب كوثر ايج

سيد وهى

۱۲۰۹ چشمه دن مازلالى ايج حسينك عشقنه

فاضل

۱۱۴۱ كل ايج آب حياتى چشمه ساطان احمدن

شاكر

ترابط و تداعى افكار

فكرلرلك يكدىكرونى او يانديرمسنه وياتعير ديكركله فكرلك برشيدن ديكرشينه كچمسنه (ترابط و تداعى افكار) دينليير . مثلاً (ا) حرفنى كورونججه بونك سسى ذهنه تبادر ايدر . كذلك طانيدقلريمزدن برينه عائد برشى كورورسهك او كيمسه عقلمزه كلير ، الخ .

ترابط و تداعی افکار قانونلری :

۱ : اتصال قانونی. — ایکی ویا دهها زیاده شی ویا فکر بر آرادہ اولونجه بونلردن بری دیگرلرینی تخطر ایتدیرر؛ مثلا برشعرك باشی، آلت طرفنی تخطر ایتدیرر. كذلك فلان میدان دینجه اومیدانه متصل اولان او ویا دکانده عقلمزه تبادر ایلر .

۲ : مشابہت قانونی. — بربرینه بکزه بن شیلر، یکدیگرینی تخطر ایتدیرر ؛ مثلا دوستلرینزدن برینه بکزه بن برینی کورد بکمز زمان، دوستمز عقلمزه کلیر .

۳ : تضاد قانونی . — ضد اولان شیلر بربرینی خاطر لاتدیرر. مثلا پک شیشمان برینی کورونجه پک ضعیف برینی، پک عقلایی برچوچنی کورونجه پک احمق برچوچنی تخطر ایتدیکنز اولور .
ذهنمزدہ فکدر لر بویله مترابط اوله رق تسلسل ایلر . فقط بعضاً بو ترابط ظاهر آمفقود کبی در . آنجق دقت ایدیلیرسه میدانہ چیقار .
ترابط و تداعی افکار ؛ جنسه، سنه ، مشغولیتہ کوره دکشیر .
تجربه : قارشیمزده کی انسانلره متعددہ، مثلا یکرمی قدر کله سویله نیر ؛ اولر بو سویله دیکمز هر کله بی متعاقب، عتلا رینه نه کلیرسه درحال قید ایدہ جکلر .

(ترابط افکار)، بسیقو آنالیز = تحلیللات روحی دهده پک، هم در .
بسیقولوغ ، بو واسطه ایله، قارشیمزده کینک اعماق روحنده غیر مدرك اوله رق بولمقده اولان وروحي خسته لفه سبب اولان شیئہ دائر ایپ اوجی یا قالار .

(زور یخ) ده بسیقو آنالیز علماسندن (یونع)، (ترابط افکار)
واسطه سیله بعض سرقتلری میدانہ چیقارمقده در :

سرفته مژگون آملره متعدد کله لر آره سنده ، سرفت اولانان ماده بی ده سوویه یور . سارق هر کله ایچون ، در حال عقانه کنی سویایوب طورورکن ممروق شیئه کلنجه بر آز سنده لیور .

مخيله

اولجه کوردیکم ، ایشیتدیکم، الخ محصول حواس اولان شیلری شمدی کوزلریمی یومونجه تکرار تخطر ایده بیلیم ، بو (تخطر) ، خفیف ایسه (حافظه) ، شدید ایسه (مخيله) یه عأددر . دیمک که (مخيله) ؛ اولجه کوردیکمز و ایشیتدیکمز شیلری شدید بر صورتده تکرار ذهنمزه کتیره بیامک دره . حافظه ایله مخيله آره سنده یالکز درجه فرقی وارددر . بویه اسکی اطلاع لری ، شدید بر صورتده تخطر دن عبارت اولان مخيله یه (مخيله تمثیلیه) دینلیر .

برده مخيله مبدعه واردر که بو سایه ده بز موجود اولان شیلر اعانه سیاه غیر موجود شیلری تصور و تخیل ایده بیلیرز . ایشته بوتون اختراعات ، انسانده کی بو (مخيله مبدعه) نتیجه سنده حموله کلشدر . ادبیات و موسیقی کبی صنایع نفیسه ده بو ملکه نك محصولی دره . مثلا بررومانچی اثرخی حیات حقیقه یه عأدشیلرله محصول مخيله سی اولان شیلری بر برینه قایشدیره رق بازار .

تشیه و استعاره کبی صنایع ادبیه هب مخيله محصولی دره . فنده برچوق نظریه لر و قانونلر ، كذلك (مخيله مبدعه) محصولی دره . ینه (مخيله مبدعه) سایه سنده در که عامای اجتماعیه و اخلاقیه دها یوکسک و دها آهنکدار (بر حیات اجتماعیه) تصور و تخیل ایدر لر . (فکر لرك اعمال و افباله تقاب ایتمکه تمابلی) دستوری موجنجه ، برمدت صوکر ا

هرکس بو فکرلره تمایل ایتدکه باشلار . ونهایت عمومک مطلوبی :
ایچنده یاش-انیلان (حیات حقیقه) نك اجتماعیاتجیلر و اخلاقیاتجیلر
طرفدن اوکه سوروان (حیات مخیاه) به بکزه دلمسی اولور .

کوربیورزکه تکامل بشرده ، (مخیاه) پک مهم عواملدندر .
فقط افراط درجده اولورسه مضردر . چونکه (عالم حقیقت) دن
بوسبتون آیره رق تماماً (عالم خیالی) به سوق ایهر . حالبوکه یشادیغمز
حیات (عالم خیالی) دکل دره . بونک ایچوندزکه برفیلسوف : چوجقلره قناد
دکل ، بلکه آیاقلرینه قورشون طاقلی دره ، دیتشدر . مفرط درجه خیالی
قتالی اولانلر ، بو حیاته تطابق ایده مزلر . و حیانه موفق اوله مازلر .
قوه مخیاه ، بدض انسانلرده پک چوق و بدض انسانلرده پک آزدر .
هم افراطی ، هم تفریطی مقبول دکلدر .

قادینلرک ، صایع نفیسه اربابنک (مخیاه) لری قوی در .
چوجقلرک مخیاه لرینک پارلاقانی درجه می الک زیاده (کتابت
وظیفه لری) نده بللی اولور .

تجریده ، تعمیم

مدلوللری خارجه مستقل ، وجود بر فرددن ، بر شخصدن
عبارت اولان فکرلره (مشخص) اسمی ویریلیر . مثلاً احمد کبی .
اسم خاصلره افاده اولنان فکرلر بوقیلدندر .

مدلوللری بروصف و یا جنسدن عبارت اولان ، خارجه مستقل
بر فرد حائده موجود اولمیان فکرلره « مجرد » دینیلیر ، اسم جنسلر
فکر مجرددر .

اسم خاصلردن ماعدالکله لرله افاده اولنان فکرلر هپ بوقیلدندر :

اشیانك بر وصف ویا حالی؛ اوصاف و احوال سائر میندن و حتی
کنندینندن آیرمق مستقلاً تصور ایتمک « تجرید » دینیلیر .
برشیک اجزا و اقسام مختلفه-نی بر بردن آیرمق تحایلدر . فقط
اساساً غیر قابل تفریق اولان اوصاف مختلفه-نی بر بردن آیرمق تجریددر .
بیاض کاغذ کی . کاغذک « بیاض » اوصافی آیرمق تجریددر . صودن
مولدالموضه-نی آیرمق تحایلدر :

تعمیم . — بر قاج شیدک و یا : چوق شیدک اوصاف مشترک-نی
میدانه چیقاروب اوصاف خصوصیه و متخالفه-نیندن مستقل و مجرد
تصور ایتمک ، و بو اوصاف مشترک-نی دهها بر چوق شیلره تشمیل
ایتمک ... تعمیم-می در برابر . تاریخ طبیعده (تصنیف) ، تمیبه
اے کوزل بر مثالدر .

چو جقلمر ، (تجرید) و (تعمیم) ه اهل دکلدر لر . اونلر آنجق
(مشخص) فکدر لر ی قاورایه بیایر لر . تجرید و تعمیمی آنجق سنلری
ایلر یلر کجه قاورایه بیایر لر .

شماکه

بر حقیقی آرامه خصوصنده ایکی اصول تعقیب اولنور : استقرا ،
استدلال .

استقرا . — جزء دن کله طوغری چیقارق بولونان حقیققدر .
مثلاًدیمیر ، حرارت تأثیریه انبساط ایلر . باقیر کذلک حرارت تأثیریه
انبساط ایدر . کموش کذلک .. بونلر معدندر . دیتک که بوتون معدنلر ،
حرارت تأثیریه انبساط ایدیور . بناء علیه دییه بیلیرز که : معدنلر ،
حرارت تأثیریه انبساط ایلر .

استدلال . — (کل) دن جزء ، طوغری اینک صورته در :

انسانر فانی در .

احمد انسان در .

اوحالده احمد فانی در .

تا ارسطودن بری اسکی منطقجیلر نزدنده (استدلال اصولی)
اعتبارده ایدی . لکن بواصول ، انسانی خطایه دوشوره بیلیر . وبو
خطاده ، جزئرلر حقتنده کافی درجه تدقیقاندده بولونمامق دن نشأت
ایلر . مثلا : (بوتون معدنلر صلب در) دیسهك وجزئرلری آراسق :
دمیر معدندر ، صلب در . باقیر ، معدندر ، صلب در . كموش ، معدندر ،
صلب در . بونلر طوغری . فقط جیوه معدندر ، لکن صلب دكلدر .
(ددقارت) دن اعتباراً ، اصول استدلال ، یاواش یاواش موقعنی
غائب ایدرهك (استقرا اصولی) اعتبار قازاندی .

اصوللر حقتنده تفصیلات ، (منطق) و (اصول تدریس) ده
اوقوناجنی ایچون بوراده بویه قیسهجه ذکر ایله اکتفا ایدلمشدر .

حسیات

تمایلر ، هپماه لر

انسان ، ذکا سایه سنده دركه دنیایی تصور وادراك وینه ذكایی
سایه سنده دركه دنیایه تطابق ایده بیلیر فقط بوتطابق (آدابناسیون) ،
آنجق فعالیت عضویه سایه سنده حصوله کلیر . وبو فعالیت - طبق
ذكاده اولدینی کبی - درجه درجه در . فعالیت ، حرکات انعکاسیه
ایله باشلابوب الك . مصل حرکاته قدر یوکسایر . بو فعالیت تواید ایدن
شی : تمایلات در .

تمایلردن مربری ، مهولته وحر برصورتده تطمین اینلش ایسه
کیت کیده غیرمشهور برحاله واریر . فقط هرهانکی برتمایلك اوکنه

برمانعه چیقمش ایسه ، او زمان بو تمایلی تطمین ایتک ایچون نه لازم ایسه اونلری دوشونورز ، تا تمایل تطمین ایدیلنجه به قدر .

تمایل تطمین ایدیلنجه حظ دویارز . تطمین ایدلماش ایسه الم حس ایدرز . حظ و الم ، بوتون حادثات روحیه به تراقق ایلر : احتیاساته ، هیجانانه ، افکاره ، وخیالاته .

انسانک مختلف تمایللری واردر . ایشته برجدولی :

تمایلات جدولی

غدا احتیاجی	شخصی	عضوی	جانی تمایلات
» شرب			
» تنفس			
» ممارسه عضویه	نوعی		
» محافظه نوع تمایل			
ذائقه تمایلی (اوبورلق)			
» شامه	حواسی	روحی	
الوان و اشکاک تمایلی			
(رسم ، هیکلتراشلق)			
» موسیقی تمایلی (موسیقی و شعر)	تأثری		
» هیجانانه تمایل			
» قنونه عشق			
» ادبیانه	فکری		
» فلسفه به			

خود اندیشك	نفسی	اشخاصه عاقله تمایلات
احتراس		
وقار ، كبر ، غرور	غیری	تمایلات اجتماعیه
عاطفت (سه میانی)		
مرحمت	اجتماعی غرور و پرده	تمایلات اجتماعیه
عائله عشقی		
وطن عشقی	اشكال اجتماعیه	تمایلات عالیه
احتراسات سیاسیه		
احتراسات اجتماعیه	فلسفی و بدیعی	تمایلات عالیه
عشق تكامل		
اخلاقیت ، حسن و حقیقت عشقی	دینی	تمایلات عالیه
انظریات فنیه ، فلسفیه و بدیعیه به عشق		
تصوف	دینی	تمایلات عالیه
عشق الله		

بوتمایلار ، هر كسده عین قوتده دكلدر . انسان تكامل ایتدكجه ،
 تمایلردی ده آشاغیدن یوقاری به طوغری (عضوی تمایلردن عالی تمایلره
 طوغری) تكامل ایلر .

حسیات نوره ؟

— برتاملك تواید ایلدیكى حالت روحیه به (حس) دینلیر .
 (متافیزیک = مابعدالطبیعیات) جیلر عهدنده (حسیات) ایچون
 ایکی مکتب واردر ؛

۱) فکریون = Intellectualistes . — بونلره کوره حسیات :
ابتدائی و غیر متکامل برذکادن عبارتدر .

۲) ارادیون = Volontaristes . — بو، کتبه کوره حسیات :
ابتدائی و غیر متکامل بر اراده دن عبارتدر .

فقط بوکون بسبقولورژیده آرتق حسیات ، ذکا و اراده دن آیری
اوله زرق قبول ایدلمکده در . هر نه قدر (فعالیت روحیه) بی تشکیک
ایدن (ذکا ، اراده ، حسیات) ک کوکی بر ایساده ، مرور اعصار
ایله بونلره هربری برر شکل مخصوص آلمشدر . نهایت هربری
تظاهرات و تأثیرات اعتباریله بر برلرندن تماماً باشقه برر حاله کیشلردر .
بناء علیه بوکونکی روحیات عالمیری ، (فعالیت روحیه) آره سندن
حسیاتی باشلی باشنه مطالعه ایتیمکده درلر . نه کیم علوم طبیعه عالمیری ده
اجسامک ، اک نهایت (نئرو الکتریک) ، منجر اولدیفنی و منشأده کی
وحدت محتما لریخی نظرا اعتباره آلمق سزین هر جسمک خواصنی آیری
آیری مطالعه ایدرلر .

عناصر فکریه دن همان همان عاری بر حیات حسیه تک موجودیتی ؛
حسیات ایله ذکاک آیری آیری اولدینه دلیلدر . عناصر فکریه دن
همان همان عاری (حیات حسیه) شو احوالده کورولور :

۱) آفیون و بوکا نمائل شیلرک و ایبلک بهارده سینئه طبیعتده مائی
بر سبائک منظره سنک ویردیکی هظ و مسرت ،

۲) خسته اتلرک حان دورده سنده کی و ملائقوایک لرک ملائقولی
حالنده کی الم واضطر ایلری ؛

۳) سبب سز واک کوچک برشیدن و یا هیچ برشی یوق ایکن بر
فورقیر ؛

۴) عصبی کیمسه لرده کی حالت اشتعال، یعنی پارادیپورمه، که بو حال، حدته یاقین اولوب اوزمان انسان، اشتعاله آماده برحالده در. فقط نه به حدت ایتدیکنی ده پک بیللمز. قیزدینی شی، مهم و غیره عیندر. فقط بر آن سوکرا مهمیتدن چیقارق، معین بر شیئه قیزمه باشلار. و مسئله، حدتی بو شالتمقله نهایتله یر.

۵) مریض ونوراسته نیک کیمسه لرده کی حسن تعب. نورمال و حال صحته کی انسانلرک یورغونلقی کلیر، کچر. بالخاصه اویقودن سوکرا آرتق یورغونلقی حس ایتزلر. مریض و ضعیف کیمسه لرده ایسه یورغونلق، یراشیر و قولای قولای زائل اولماز. نوراسته نیک کیمسه لرده ایسه یورغونلق همان همان هیچ زائل اولماز. تدای مخصوصه احتیاج حاصل اولور.

۶) شرت ضربه و کمره. — ابتدا مهم بر (اندیشه) ایله باشلا یه رقی کیتدیجه تزیاید ایلر. حیات غریزه اوزرینه ده تأثیر ایله بعضاً جهاز تنفسده (نفس طارلقی)، بعضاً قلبده (چارپنتی)، بعضاً معدده (هضم سزاق) حصوله کتیریر.

حیات حسیه، بصورتله حیات غریزه اوزرینه ده اجرای تأثیر ایلر. بوندن قورتوله بیللمک، آحق شدت حزن و کدری تبدیل وازاله ایله ممکن اولور.

۷) شریه همیامه لر. — شدید هیجانلرده حیات حسیه نیک مستقل اولدیغنی اثبات ایتکده در. هر هانکی بر شدید هیجان، فعالیت غریزه و ذهنیه یی بردن بره توفیق ایدیوره بیلیر. بونک ایچون بر کیمسه به یووک بر سوینج ویا کدر خبری و یریه جکی زمان بردن بره سویتلاملی در.


چونکه یا حیات غیریه نك توقف ایدیور میسی، ویادلی اولیور میسی محتمل دره.
هر تمایل بر (حس) دره. بناءً عایه (تمایلات) قدر (حسیات) ده
وار. فقط بوکونکی پیستمولوژینک مؤسسی اولان لیبریغلی (ووند)،
حسیاتک اساسی، اوچ چفت معاکس قطبه ارجاع ایلرکه بوکا
(ووندک ابعاد حسیاتی) دنیلیمکده در:

۱) خوش - ناخوش

۲) شوق - سونوکلک

۳) توتر - عدم توتر = کوشکلک

بوتون حسلر، بونلر دن مختلف مقدارده آلمش برر مخلوطدر.



حالت مرضیه

هرهانیکی برمرض عصبی سببیه بیضاً برانسانک حسیاتی بوستون
سوز. بونک علاقی هیات فکریده احساسات واطلاعات؛ وضوحی،
سرعتی وشدتی غائب ایلر. دقت ضعیف دوشر. بعض کرده حافظه

و محاکمات منطقیه دخی ضعیفلا. حیات حقیقیه ایله علاقه دار اوله ماز .
حیات صبره لایقیدی مطلق که هیچ برشی قارشیننده حظ و امل حس
ایتمز .

حیات حسیه ایله حیات فکریه آری آری اولمغه برابر بونلرک
یکدیگری اوزرینه متقابل تأثیرلری وارد. بعض انسانلرک ذکالری
حسلیینه ، بعض انسانلرک حسلی ذکالرینه حاکم در .

هرهاتکی برحس و تمایل یک زیاده نمی ایتمش ایسه آرتق اووقت
اوکا (عقل و ذکا) هیچ مرام آکلزده ماز . اوله انسان ، محاکماتک
ضدینه حرکانده بولنور. حریص کیمسه نک حالی کبی .

اساساً (منطقی عقل) باشته ، (منطقی حسیات) باشته در . (منطقی
عقلی) ده حکم : او بزه قتیف شیلرله اثبات ایدله کدن ، یعنی (فرضیه) ،
(ترصد) و (تجربه) دن سوکره و یربایر . بوتون فنلرک حکملری
بویله در .

(منطقی حسی) نک ایسه بویله او بزه قتیف شیلره قولاقلری
طیقالی در . بونده حکم ، عقل و او بزه قتیف شیلر اوزرینه استناداً دکل ،
برحس اوزرینه استناداً و یربایر ، (سو بزه قتیف = نفسی) در . فلسفه
و دینده کی حکملر بویله در . فنلرک اصولی ایله فلسفه و دین مسئله لری
حقنه حکم و یرمک طوغری اولدینی کبی عکسی ده طوغری دکلدر .
حیات حسیه ، حیات فکریه دن چوق دها اسکی در : چو جوقده
حیات حسیه ، حیات فکریه دن اول باشلار .

حیات فکریه ، حیواناتده جمله عصیبه به مالک حیوانلردن اعتباراً
باشلار . حیات حسیه ایسه (آچاق و تناسل ، الخ حسلی) دها آشاغی
طبقه ده کی حیواناتده دخی وارد .

حیاتیات جاهل کرده (سرکش و خام) بزحاله دره، منور کیمسه لوده
ایسه ذکا طرفدن اداره ایدلمکده در .
حیاتی شخصک شرائط موجودیتنه کوره تطابق ابتدیرن ذکادر .

احتراس

مراهانکی برحس و هیجان عناصر فکریه ایله مزوج اولوب فضاه
تمنی ایتمش ایسه اوکا (احتراس) دینلیر. احتراماتک حصوله (خارجی)
(داخلی) اولوق اوزره ایکی درلو سبب واردر :

اسباب خارجیه : محیطه ، تقلید ، تلقین (کتابلر ، غزته لراخل) .

اسباب درونی : شخصک مزاجی و سجیه سی .

بعض انسانلرده تک بر احترام واردر : ثروت حرصی کبی .

بعضلرنده عین زمانده متعدد و متوالی در . بوصول قسم انسانلر ، یک
متحسددرلر . حسلری هر وقعه یه قارشلی مهتزددر . بویله هر شیئمه
قارشلی چوق متحسس اولانلر ، خیالات ایچنده یاشارلر . بونلر قوی
براحتراس صاحب اوله مازلر . چونکه بونلرده غیر متزلزل بر مقصده
طوغری ایبریلک ایچون لازم اولان (عزم - نه ترژی) کافی درجه
بو قدر .

الطائی کیمسه لرله صاحب احترام کیمسه لری بر برینه قاریدیرما .
ملی در . الجانی لوده (نهی قوتی = Inhibition) غایت آزدر . بردن بره
پارلا یوب کچیوررلر . تمایللری قرار سزدره . درین دکلدره . غیر متزلزل بر
مقصدلری بو قدر .

صاحب احترام کیمسه لریک ایسه غیر متزلزل بر مقصدلری واردر .

مع مافیه بعضاً (الجائئ لك) بر كچيد اوله بيلير : قرار سزلق
والجائئ لك مدن (احتراض) طوغا بيلير .

احتراضك مابه التمايزي : فلكر ثابت ، امتداد ، شرت در

فلكر ثابت : نور مال انسانلرده باشقه ، مريض انسانلرده باشقه در .
نور مال انسان ، فلكر ثابتك مقصديني وزويه ايسال ايدرجكيني بيلير .
(انا) نك برلكيني تشويش ايمز .

مرضی فلكر ثابت ايسه (اوتوماتيك منساقى) و (غير قابل
مقاومت) در .

(فلكر ثابت) ديكر فعاليات ذهنيه نك ضررينه بسلمكده در .

امتداد : بر احتراض بر قاج آي ، بر قاج سنه ، بعضاً بر حيات بويجه
امتداد ايد بياير . شعورك حال طبيعيى : تبديل دائمي ، يعنى بر
ايرماق كبي آتقى در . حال بوكه بو امتداد (آنورمال) در .

شرت : بونك ايكي شكلى واردر :

۱) مثبت - كه فوق العاده جهده محتاجدر . و حريض اولان كيمسه
بويله فوق العاده فعالينده بوانور : بر علم عاشقنك كونده ۱۲-۱۵ ساعت
چالشمسى كبي .

۲) منفي - عزمي كر كين بر حالده طوتار . خسيملك كبي .

چو جو قلوده (احتراض) يوقدر . چونكه احتراضده حيات فكريه
دخى ممزوجدر . حال بوكه چو جقترك حيات فكريه يسي ، هنوز قوى
دكدر . مستثنا اوله رق بعض چو جقلوده مطالعه ، صنايع ميخانيكيه
و محبت و نفرت احتراضلرى اوله بيلير .

اقوام استاده شده (احتراض) قوى دكدر . چونكه بونلرده احتراضك

عناصر فکریه-ی نقصاندر . اونلری حریرص اولدقلری شیئه شدتلی صورتده ایته حک متوالی ضربات فکریه یوق . بو، مدنی ادعاسنده اولان بر جوق انسانلرده دخی یوقدر .

*
*

احترصاتی تولید ایدن باشلیجه تمایلر سونلردر :

۱) محافظه نفس تمایلی ،

۲) محافظه جنس تمایلی ،

۳) استحصال سمادت تمایلی ،

برده (بدیعیات، فن، دین، احلاق، سیاست) حرصلری واردرکه بونلره ، بالنسبه دهآ از تصادف اولمقددر . اسپور ، آو ، کتاب ، قولکسیون ، جیچک ، الخ کذلک احتراص شکلنی آله بیلیر . (سرگذشتجو-آوانسور) حیات، کذلک احتراص حالنی آله بیلیر . بوکا تجسس ، زنکین اولیورمک ، الخ کبی شبلر سوق ایلر .

احترصات نصل تمی ایلر ؟

یو، احتراصک نوعنه وشخصه کورده دکیشیر . بناء علیه عمومی . صورتده ایضاح اینمک مجبوریتده یز : علی العموم احتراص ، بارسلا نه جده سونوک و بطلی در . فقط کیتدیجه . شعور بر حاله کلهرک سدتله نیر .

احترصات نصل سور ؟

احترصاتی سوندیرین بسباب سونلردر :

۱) طاقتدن دوشمه و یا اعتیاد سبی ایله سوز .

۴) باشقه بر احتراصه قلب ایله سوز .

(۳) براحتراصك يرينه بوكا ضد براحتراص قائم اولقله سوز .

(۴) انسان دلی اوله رق حرصی سوز .

(۵) تولوم ایله سوز .

یرشینه احتراص ء قوی دکله (تبدیل) ایله او حرص سوز .

خقط پت قوی ایسه سونمز . بالمکس زیاده لشیر .

(باشقه براحتراصه تقلب) ، فضله نه زریسی اولان انسانلرده دره

بی تاب کیسه لرده بو تقلب وقوعه گلز . حرب و فتح حرصلری ء

حرص دینی به تقلب ایده بیلیر . جزویت جمعیتی مؤسسی (ایضاس

دولو و ایولا) کبی ء که جنرال ایکن راهب اولدی . و راهب لکده ده

زیاده چالیشدی .

بو تحول و تقلب : خارجی نفوذ و ایجابات تلقین و بالقوه موجود

تعمیلات نتیجه سی در .

••

(جنت) ایله (قوی احتراص) آره سنده مهم بر مشابته وارددر .

هر ایکی سنده دره فرد شعورینی غائب ایلر . هر لسان ده موجود اولان (اویون

دلیسی) ، (باره دلیسی) ، الخ کبی سوز لر ء احتراص ایله جنت آره سنده کی

حناسبتی کو ستر مکده در .

••

عالملره معظم اثر لر ء فدا کار لره بویوک فدا کار لوق لر ء الخ میدانه

کثیر تنه (حرص) در . حرصک بویله ایسی اولدینی کبی کوتوسی ده

وارددر : ایچکی ء قار ء الخ حرصلری کبی .

(اعرف نفسک) نک فائده سی : ایشته بویله کندیمزده کی ابی

و کو تو احتیاطات تخمیری بیله رک کو تو احتیاطات تخمیری اچا ،
وای احتیاطات تخمیری تمیه ایتک در .

اراده

یزده ، دوشوندی کمز و آرزو ایلدی کمز شیرلی ساحه فعله ایصال
قوتی واردرکه بوکا (اراده) دینیر .

بعض دوشوندی کمز شیرلی ، فعل و عمل حاله کچیره مه یز . بونک
سببی : بودوشوندی کمز شیرلک ، یعنی فکرلرک ، قوت و قدرتی آزالتان
باشقه فکرلرک موجودیتی در . اکثر فکرلرک قارشیسنده
(مانع فکرلر) دخی موجود اولمغه حیات بشر ، بویه (کندی
قفا سنک فکرلری جاریشمه سی) ایله کچر .

قرار — قرار ، شعورک حضورنده بربرینه ضد فکرلر اولدینی
زمان در . بوفکرلردن بری (عمل) اولمغه یلتیر ، فقط دیگر فکرلر
اوکا مانع اولمغه چالیشیر . بو مجادله یه (قرار) دینیر .

(قرار ویرمه و تیره سی Processus) پک قارشیشیق در :
اسبابی تشکیل ایدن فکرلر ، مههم صورتده ، شعورک حضورنده اثبات
وجود ایدرلر . بعض کوه بری ، بعض کوه دیگرلی رجحان قازانیر .
دها دون پک قوی کوردی کمز سبب ، بو کون بزه سونوک کوردونه بیلیر .
بونک عکسی ده واقع در .

انسان ، بویه ایکی ضد فکر آره سنده ساللانیر ، مناویه برندن
دیگرینه کچر . روحده بر کرکینلک حاصل اولور . نهایت بو کرکینلک
قویار : ایشته او زمان قرار ویرلشدور .

بش درلو ، قیارتیچی واردر :

(۱) محاکمہ کی قرار : مسئلہ نك له وعلینده اولان افکاری تدقیق ایتدکن صوکره برینی ترجیح ایلر .

بوسبتون یکی برشینه قراژ ویرمکده کوچک چکرز . آلیشمش اولدیغیز سیلره قرار ویرمکده هیچ کوچک چکمه یز .

(۲) مسئله نك له وعلینده هیچ برینی تماماً ترجیح ابدہ میز . تأثیرات خارجیه سببیه او صورتله قرار ویریز و بونده حظ و نفرت حس ایتمه یز .

(۳) بونده قرار کذلک (عارضی) در : یالکز بونده سبب : ایجابات درونیه در . بو تپده اولان کیمسه لر ، قرار لینک معلقده قالدیندن مضطربدرلر . فقط بونلر ، وولقان کبی بردن بره پارالدرلر . لوترلر ، ناپولیون لر ، بوئیدن در .

(۴) بونلر بردن بره قرار ویرویردلر . کولوب اوینایوب طور ورکن ، بعضی حادثات خارجیه ویا غیرقابل ایضاح تحولات درونیه سبی ایله ، بردن بره دریای حزنه طالدرلر . ضعیف فکرلردن قوی فکرلر کچویوریلر . بویله انسانلر ، دلجه سنه پروزه لردن وا کلنجه لردن صوکره بردن بره اووقته قدر حس ایتمدکری جدی بر حیاته کیزویوریلر . اوزمان بوسبتون یکی برانسان اولورگر . سچیلری بردن بره علوی بر سویه یه یوکسایر . و قرار در حال نهایت بولور .

(۵) ویریلن قرار ، بر (حس جهد) ایله در : وظیفه سنی ایضا ایچون - دیگر بیک درلو ممکن و حفظ اور شیلری ترک ایله - وظیفه نك کوچ یؤلرندن کیتنک .

بو ، اوز بئز سال بر قرار تیچی اولوب ، اسباب ، نظر دقته آنه رق یابیلندن باشقه در .

صاغلام اراده

حالت شعور، بر (الجا) به مالک در . فقط بو الجاسنی نمائب
ایستدیکي بعض مستثنی آن لر واردر .

بعض انساندرده بو (الجا) بوقدر .

صاغلام و نورمال اراده نك قسطایی : بو الجانك دائمی اولمی در .
حالات شعور آره سنده ان قوی اس الجایه مالک اولانلر شوبلردر :

سوق طبیعی لر، اهتر اصلر، هجرانه لر (که بونلر برده کندیلکنندن
عکس العمل لر تولید ایدر لر) ، مظ و ألم امتسائی ، هر هاشکی
برسببه اعتیادمانه کلن اعمال ؛ زماناً زماناً حال حاضره علم اعمال .

بالعکس اوزاقلره عاند سبیلره ؛ عرقت غنمه تاریخیه سنه بیاجبی
اسبابه عاند اس شعور و الجا، یا ضعیف و یا هیج در . بونلرک اس شعور
و الجاسنی تزید ایده بیلیمک : آنجق (صرف جهد) ایتمک ایله اولور .

نورمال و صاغلام اراده شوبلدر : کندی الجاسنی ازبایر بر مقده
برابر ، هر (استحضار تحریکی) ده مرتببات و الجائنی اویاندر برمه
مجبوریشده در . و عمل دشخی بو قوتلرک ، نه پک چابوق، نه ده پک کچ
بر نتیجه سی در .

انک سرعته و یریه جنک قرارلرده بیله نورمال و صاغلام اراده :
عمل دن اول بوتون بو قوتلری (یعنی الجآت و تحریکائی) کوزدن
کچیریر . و بر (اطلاع و محاکمه) استناد ایلر .

اراده خسته لقلری

(قوه ناهیه ومانه) نك آزلنی ویا چوقلنی اراده خسته لقلری
حصوله کتیریر .

۱) عجول اراده : قوه ناهیه ومانه ، بونده بك آزدرد . بویله
انسانلرك اراده لرینك بر (كم) ی یوقدر . عقللرینه كلنی درحال یاپارلر .
(قوه ناهیه) آزلنك فقلنی اولدینی کبی ایسلکی ده واردر :
بویوك قوماندانلر ، بویوك اختلال آدملرینك اراده لری بویله در :
بوراسی ایسلکی ...

فقلنی شوکه : قوه ناهیه سی آز اولان انسانلر ، علی الا کثر ،
مسئله یی ابی تدقیق ایتمکسزین ، درحال عمل حالنه کچرلر .

بشریت تکامل ایتدکجه بو (قوه ناهیه) لردخی جوغالمقده در .
بو قسمك برده (افراط الجا) سببیه آنورمال اراده لی اولانلری
واردرکه (فکر ثابت) صاحب لری بوراده در . بونلرده (قوه ناهیه) ،
نورمال درجه ده در . فقط (افراط الجا) واردر . ایشته بر مثال :
آلقولیک بر آدم ، خسته خاهیه کتیرلمش وایچکی اوکا منع ایلمشدی .
لکن او آدمده ایچکی ، (فکر ثابت) اولمش . بو آدم برکون اودونلغه
کیدوب النی کسر و قوشه رق کلوب : عجله قونیاق ویریکنز ، الملك
اوسته قویاجقم ، دیر . الندن قانلر آقان بو آدمه ، قونیاق ویررلر .
آدم ، النی قونیاق ایچنه صوقار و صوکر او قانلی قونیاقی ، حرصله ایچر .
شمدی ایسته دیکمه مالک اولدم ، دیر . النی ، مخصوص ، کسبور .

شو (فکر ثابت) صاحب لرینك اراده لری ده بویله در : بری ألی .
دائما کیرلی ظن ایدر ، بیقار طورور . دیکر بری البسه سنك بر طرفنی

دوزگون دکل صانیر ، عمرینک مهم قسمنی آینه قارشینده کچیریر .
دیگر بری قاپوسنی کلیدلر . کلیدله مه دم می عجا دبه رك کیجه یئاغندن
بر قاج دغه قالقار باقار .

۲) بطلی اراده : بویله انسانلرده (قوه ناهیه) پک چوق اولوب
(الجا) آزدر . بو نوع اراده ، برمدت قوه تمرکزیه سنی غائب ایلر .
ودقنی معین بر شی اوزرینه تثبیت ایده منر . او وقت انسان ،
کوزلری بریره دیکلیمش اولدینی حالده طالعین طالعین باقار . شعوری ،
کشیف بلوطلر آره سنده قالیر . بو بلوطلری بردرلو بیر تاماز . مع مافیہ
(شعور) موجوددر . فقط غیر مؤثردر . علی الاکثر بونی میدانه
کتیرن : بوبوک بر یورغوئلق ویا (بی تاب دوشمه) در .
صحت اراده ، یوقاریده دیدیکمز وجهله :

۱) تعقیب ایدیله جک و یاییله جق شی حقنده واضح بر (اطلاع
ومحاکمه) صاحبی در .

۲) و (فعل) ، بو محاکمه اطاعت ایلر .
بمحت ایلدیکمز حالت مرضیه ده ایسه (ذکا واطلاع) ، وانمحلکنی
محافظه ایده بیلیر ، فقط یا عمل حاصل اوله ماز و یا خود حاصل اولورسه
ذکانک کوستردیکی استقامتی تعقیب ایده منر .

حیانه بوتون فحیمه لر : ذکاء ایله عمل آره سنده کی بو رابطه
طبیعیته نیک قویلمسندن ؛ بعض فکرلری ساحه عمله چیقارده مامقدن و بو
فکرلره بر تاثیر ویره مامکدن متولددر . زیرا انسانلر ، افکار
و حسیات نقطه نظرندن ، بربرلوندن پک فرقلی دکلدرلر . انسانلر
بربرندن اصل اراده لری اعتباریله باشقه باشقه درلر .

بر انسانک ذکاسی پک یوکسک اولور ، فقط ذکاء اراده سنه سوز

کچیره میورسه او اسان ، حیانه هیچ بر موفقیت کوستره من .
دوشوندکلرنی ساحة فعله ایصال ایده من . اویله اولان انسان :
خزینه لره صاحب اولدینی حالده بوندن استفاده ایده میان کیمسه کبی در .
بونلر خیالاتجی در .

جهد

عجول اراده نك الجآت اعتیادیه وانسیاقیه سنی تعدیل و تسقیص
ایتمك، بطی اراده به بر قوت و یرمك آنجق (جهد) سانه سنده ممکن در .
ای طوغمش روحلرک، اعصابی آهنگدار اولانلرک بوکا احتیاجی یوقدر .
(جهد) ک تاثیرینی بز (شما) ایله کوستره لم :

مفکوره عالیه = و

تمایلات سافله = س

جهد = ۷

ایله کوستریلیرسه :

س < و

س > و + ۷

یعنی مفکوره عالییه جهد منضم اولدجه حاصل اولان موازنه ،
تمایلات سافله نك ضرریشه اولیور .

(عمل) میدانه کلیر کلمز حظ ویا ألم ویریرکه بو حسلر ، عملی
تنظیم ایلر . و صوکرآ بو حظ و ألم تخطرلری ، الجا ویا سبی عواملی اولور .
جهد خصوصنده ، مادی وادیده کوچلک یوقدر : پاره سنی جینه
طولدوروب اسراف و سفاقت ایتمک ویا ایتمک او قدر کوچ بر شی

دکدر . اصل کوچلك مغوی وادیده در : تفکرانی دائما شعورك
انظاری آئنده طریایلمك .

شدید بر هیجانك ضربه وتأثیری آئنده بولونیور ایسهك باشقه
شیره عائد فکرنری قبول ایتمك ایسته میز . باشقه فکرنر کله می دیسه
چابوجاق سوز .

احتراسات ایچنده بولندیغمز زمان بزه ویریلن نصیحتلر صفوق
وجان صیقیجی در . احتراسات ، او نصیحتلرک احتوا ابتدکی افکار
مصیبه بی بوغار .

صاغلام اراده لی انسان : بو افکار مصیبه نك صداسنی ، احتراسات
طرفدن بوغدیرمیان در ؛ بویه آدم عقلك صداسنی دائما ایشیدر .

احوالی بویه دائما دقتی آئنده طوتان کیمسه نك شعوری دائما
یوکسلیر ؛ وبوسبوتون باشقه لاشیر . کوچلك : باشقه فکرنره طوغری ده
وقوع بولمقده اولان جریان طییبی به قارشنی مقاومت ایدرک دقتی
یالکز انظار شعوری آئنده — هیچ اوتیه به ، بری به صایمقسنزین —
طوتایلمك در . ایشته بو (جهد دقت) ، اراده نك عمل اساسی در .

جهدك اهمیت اخلاقیه سی . — انسانلری بربرندن تفریق ایدن
حقیقی اولچو ، جهددر . جهد ایده میان انسان ، کولکدن باشقه بر
شیء دکدر . چوق جهد ایده بیلن کیمسه ، (حقیقی انسان) تپی در .
مجادله حیات پک کوچ در . حیاتك کوچلکلی قارشینده
جهدسز آدملر ، بوتون طاقتلرینی غائب ایدرلر . ویا کوچلکدن نظرلرینی
چوردرلر . یاخود کنیدلرینی صالیوردرلر .

جهد صاحبی انسان ایسه ، حیاتك کوچلکلی قارشینده قبا

کبی در . دیگر انسانلرک محو اولدینی اسباب قارشیننده او، ینه حیاتده
بر امید کورور . حیاتک اک کوچ مجادلهلرنده بیله بر ذوق بولور .
بوکاو اصل اولوق و یا اولماق، بویله اولنی ایسته مک و یا ایسته مامک
ایله در .

سوق طبیعی

حرکات و اعماللز یا ارادی در، یا غیر ارادی در . ارادی اولانلرینی،
اراده بی کوردک . غیر ارادی اولان حرکاتمز : ۱) یا انعکاسی درکه بونلره
اعمال انعکاسیه دینیر : بو حرکاتک آمری دماغ دکل ، مخ شوکی در : دیز
اوسته اورونجه حرکت ایتمی، پارمق اوزادینجه کوزلری قییمق کبی .
۲) یا سوق طبیعی ایله درکه بونلره اعمال انسباقیه دینیر .
سوق طبیعی = انسباق . — غایه سندن خبردار اولمق سزین یا بیلان
و تمیه به محتاج اولمان اعمال در .

سوق طبیعی بی اصلاح خصوصنده ایکی قانون واردر :

۱ — اعتیاد واسطه سیله سوق طبیعی به بر کم اورمق : (اعتیاد
قانونی) .

۲ — بر سوق طبیعی بی دیگر بر سوق طبیعی به تحویل ایتمک :
(تحویل قانونی) .

سوق طبیعیلرک انواعی :

سوق طبیعیلر بش غروپدر :

۱ . محافظه نفس سوق طبیعیسی :

آ) غدایی طویتمق ، آلمق، آرامق .

ب) بر تهلککدن قورقو

۲ . محافظه نوع سوق طبعیسی :

اولاد محبتی .

۳ . — انسیاقات اجتماعیه :

فردک ، همجنسک ایلیکنه عائد اعمالی .

۴ . — انطباقی سوق طبیعی لر :

هر هانگی بر حاله تطابق ایچون اولان اعمالی تکمیل ایتدیره

شیر :

(۱) اویون ، ۲) تقلید ، ۳) تجسس .

۵ . — انسیاقات عالیه :

(آ) انسیاق اخلاقی: دیگر انسانلره ایی کینمک حرکتی .

(ب) انسیاق بدیی : (حسن) قارشینده هیجان طویق .

(ت) انسیاق دینی : رب متعال ایله آهنگدار اعمال .

محافظه نفس و جنس سوق طبعییری بوتون حیواناته ده شامل دره .

اوجنجه و دردنجه غروب (یعنی اجتماعی و انطباقی سوق طبعییر) ، حیواناته ده وارسه ده ، انسانلره ده قوتلی دره . بشنجه غروب ، یعنی

انسیاقات عالیه ، یالکز انسانه مخصوصدره .

محافظه نفس و جنس سوق طبعییری حددن آشنجه انسانی ،

حیوانلغه تزیل ایدر . بونلرک فضلهنی ، باشقه بر سوق طبیعی به تحویل

ایتمک لازم کلیر . مثلا بعض انسانلر ، محافظه نوع سوق طبعییرینی ،

انسیاقات عالیه به تحویل ایده بیلر لر .

مندرجات

ذکا

	صفحہ
دماغ	۴
اعضای حواس	۴
ادراک و شعور	۶
دقت (ارادی، غیر ارادی . طاغیق ، مرضی)	۱۲
حافظہ (انواعی ، ابجد حسابی)	۱۵
ترابط و تسلسل افکار	۱۹
خیلہ (تمثیلہ ، مبدعہ)	۲۱
تجربہ ، تعمیم	۲۲
محاکمہ	۲۳

حسیات

تمایل لر ، ہیجان لر	۲۴
حسیات نہ در ؟	۲۶
• ووند ، لک ابعاد حسیاتی	۲۹
حالت مرضیہ	۲۹
منطق عقل ، منطق حسیات	۳۰
چوجقدہ و جاہلرردہ حسیات	۳۱
احتراض و اسبابی و نصل سوندیکی •	۳۱

اراده

صفحه	
۳۵	قرار
۳۷	صاغلام اراده .
۳۸	اراده خسته لقلری .
۴۰	جهد .
۴۱	جهدك اهميت اخلاقيه سي

سوق طبيعي

۴۲	اعمال انعكاسيه وانسايقيه .
۴۲	كوتو سوق طبيعيلرى اصلاح قانونلرى .
۴۳	سوق طبيعيلرك انواعى

